


10772



1908

224

յա-30

ՄԱՏԵՒՄԱԴՐԱՆ ԵՐԵՍԱՄՐԴՈՒԹԵԱՆ



Ի ԵՊԱՍ ԳԱՄԲԱՐԱՆԻՆ

ՀԱՅ ՆՈՀԱՑՈՎԱՅ ՊԱԼԵԳԻՆԻ



Ա.

ԺԱՆՆ ՏԱՐՔ




2003

Հ. Մ. ԽԱԶԻԿԵԱՆ

(312)

Տպագր. Հ. Վ. ՊԵՐՎԱՐԵԱՆ

Կ. ՊՈԼԵԱ, 1908



891.99

Խ-28

Մատենադարան Երևանսկրուեան

Ի ՆՊԱՍ ԴԱՄԲԱՐԱՆԻՆ

ՀԱՅ ՆԱՀԱՏԱԿԱՅ ՊԱԼԵԳԼԵՒ



Ա.

ԺԱՆՆ ՏԱՐՔ



Վ. Մ. ԽԱԶԻԿԵԱՆ



2581

ԸՆԹԵՐՑՈՂԻՆ

Ժամն Տարք օսար մըն է, զուցէ առարկուի եւ հարցուի թէ ինչո՞ւ ազգային հանգամանք ունեցող գործէ մը աւելի օսար նիւր մը նախընտրած եմ Մատենադարանին առաջին տեսրին համար։ Զուրանալով այդպիսի հարցումի մը արդարացիուրիւնը, պիտի պատասխանեմ միանգամայն թէ ազգային տեսակետով արձեկառը աշխատութիւն մը աւելի ժամանակ եւ ուսումնափրութիւն պահանջելուն, առ այժմ յարմարածեն Նահատակաց Դամբարանին օժանդակել կարենալու համար հարկադրուեցոյ կանխաւ պատրաստ սոյն փոքրիկ դիւցազներգութիւնս ի լոյս ընծայել։ Երէ հերոսութիւն Հայ չէ, զոնէ իր օրինակը բարի եւ հայրենասիրական, եւ ինչ որ բարի է՝ չէ թէ մասնաւորին այլ ընդհանուրին կրնայ իբր օրինակ ծառայել։ Այս մազրութեամբ կը յուսամ թէ հանրութիւնը բացալելով սոյն ներկայ փոքրիկ գործին, պիտի խրախուսէ զիս յառաջիկային գործելու աւելի ընդարձակ գետնի մը վրայ, շարունակ իրեն օգտակար ըլլալու միակ նպատակին ու շաւդին մեջ։

Ա. Մ. Խ.



2539

39



ՄԱՏԵՆԱԴԱՐԱՆ ԵՐԻՑԱԾԱՐԴՈՒԹԵԱՆ,



ԺԱՆՆ ՏԱՐՔ



Եւ հիմայ ձեզի, Հայոց աղջկեներ, դիւցազնուհին
մը պատմութիւնը պիտի լնեմ. օրինա'կ առէք այդ
չնաշխարհիկ կրցէն: Եւ գուշք, հայ պատմանիներ,
խառնեցք ատով մոխիրը ձեր սրտին, որու ներքեց
պահուած պիտի ըլլայ յետին կայծը հայրենեաց հու-
րին. համակամ հոգիով հրահրեցք զայն, ու թող
բորբոքի բոցը Ազատութեան Կրակին:

* *

Եղաւ ժամանակ, յորում Ֆրանսան յաղթանակ-
ուած ու գրաւուած մէկ գաւառը գարձաւ Անգլիացի-
ներուն: Իր խեղճ բնակչութիւնը, բռնակալի լուծին
տակ, կը տանջուէր թշնամանաց ու հեծեծանքի ցա-
ւերու մէջ. Կարողոս է. գեռատի ու տարարադդ ար-
քայազունը օր աւուր գահին ամենէն գեղեցիկ ծաղ-
կանց յափշտակուելուն տկանատեսն էր: Ազգային
աղէտքի այս լուրը տարածուած էր ամենուրեք,
ինչպէս նաև Վօժեան նահանգներու մէջ, որու գիւ-
ղերէն միոյն, Տօմրէմիի մէկ շինականին խաշնարած



գուստը ժանն, հայրենիաց վշտովը ցաւատանջ, կը տառապէլ մենաւոր, լուռ ու մունջ:

Բարեպաշտուհի՝ մ'էր նէ, սեռէն առաջ՝ ազգին նուիրած էր իր վեշտառանամեայի մը կուսական առայգ սէրը. անո՛վ միայն կը տանջուէր, ու ծնրադիր՝ ժամերով օգնութիւն և միթթարութիւն կը հայցէր Ամենակարողէն՝ թշուառ հայրենիաց:

Օր մը, մինչ գետնամած կ'աղօթէր վերսախին ջերմուանդ, երկնային անթարգմանելի պատգամը կզայ իր մէջ երթալու միջտուխ ըլլալու զինուորական գործերուն, վարելու անձամբ անոնց զէլը, և իր ձեռքամի իսկ վանելու չար թշնամին երկրին սահմաններէն: Ու ահա տկար կոյսը արիացած ու զօրացած է, երիտասարդէ մ'աւելի անվեհեր, սոսքի կ'ելլէ փութով, կը տեսնէ իր պատրաստութիւնները, ու կը սուրայ քաղաքի կառավարչին մօտ: Պօրիքուր զարմացմամբ կ'ընդունի զայն:

«Լոէ՛, կ'ըսէ ժանն, պատգամը՝ զոր Տէլու հազրդեց լինձ:

—Տէ՛րդ, կը հարցնէ Պօրիքուր, դիտելով մանկատի հավուռհին, ու սքանչանալով անոր ձայնին ազնիւ ու ապահով շեշտին. և ո՞վ է այդ քու տէրդ:

—Իմ Տէ՛րդ, կը յարէ ժանն, երկնքի թագաւորն է. և ես եմ որ Անոր հրամանավը պիտի աղատեմ Օրէանը իր բռնակալներէն, ու Տօֆէնը թագաւոր օծեմ իր գահին վրայ, թէյմի մէջ:

Յանդուզն է պատսախանը, ու բարբառը՝ մարդարէական:

Ծերունի հրամանամարը անտարբեր, ուսիրը կը թօթուէ, հիմայ արհամարհանքի մը զգացումն է որ տիրապետած է իր մօտ. ուրեմն գիւահար և յիմար

մ'է եղեր այդ աղջիկը, զոր խրատելով ճամբել՝ առաջին պարտաւորութիւնը կը նկատէ, հակառակ պարագային մտագրելով պատժել ու վտարել զայն:

Բայց ժանն հանդարս է. սպառնալիքը չկրնար վրդովիլ իր մաքսւր սիրտը, կամ փոխել իր երկաթի կամքը. ու անայլայլ կը յայտարարէ թէ այդ նախատինքը՝ ասածինը չպիտի ըլլար, թէ պատրաստ էր տառը պէս երկու հատ եւս կրելու, քանի որ զինք ուղարկառը կանխաւ ծանուցած էր արդէն թէ երիցս մերժման ու նախատանաց արգելքի պիտի հանգիպէլ:

Երկու ազնուականներ եւս ներկայ և ունկնդիր էին սոյն խօսակցութեան. մին Պէսնար աը Բուլէններ կը կոչուէր, և միւսը ժան տը Նօվէլօնբօն. ասոնք երրլեցին հազիւ խելահաս գեռատի այդ աղջկան այդ տատիճան հաստատամութեամբ պատսախան տալը, ձայնակցելով հետը, գէմ դրին Պօրիքուրի, և ձեռքերնին սուրերնուն վրայ գրած երգում ըրին որ նոյն իսկ իրենք պիտի պահպանէին ու առաջնորդէին Տօմրէմիլի այդ կոյսը մինչեւ Շինօնի գղեակը, ուր կը գտնուէր խեղճ արքայորդին Կարոլոս, և որ սուռգիւ շատ չանցած Յաղթական մականունը պիտի ստանար:

Կառավարիչը ստիպուած տեղի տուաւ երկու ազնուականներու պահանջքին: «Գնա՛, ըստ ժաննին, ինչպէս որ կը կամլի՝ անանկ ըրէ»: ու յանձննելով անոր զօրականի սուրը, արձակեց:

Ժանն վերջին անգամ մ'ալ Տօմրէմի վերագարձաւ. գտաւ իր ծնողքը, ու ծնրադիր, արձակման թոյլուութիւն խնդրեց անոնցմէ, յայտնութիւնը ընելով միանգամայն այն փառաւոր պաշտօնին, զորն լրացնելու կոչումը ստացեր էր: Խեղճուկ գիւղացի-

ները սարսափահար եղան . խենթեցի՞ր էր արդեօք իրենց աղջկելը . բայց ահա երկու ազնուականներն են որ վրայ կը հասնին , ու կը միտուեն զայն մինչեւ տնտկին ներսը : Կարելի չէ դիմագրել . ծնողքը դըժուարտ կուտան իրենց հաւանութիւնը : Նէ կտրել կուտայ իր մազերը , երխտասարդի մը տարազով կը զգեստաւորուի , ու կը հեռանայ սիրելի ծննդավայրէն , մինչ երկու հեծեալներն ու իր մէկ եղբայրը , որ չէր ուզած բաժնուիլ , կը հետեւին իրեն :

* * *

Հիմայ Ժամնն Տարք զինեալ ձխաւոր մ'է , վայել-չափեղ հեծեալ սազմիկ մը , որ խրսխտաբար կը յա-ռաջանայ հետեւորդ ունենալով չորս ուրիշ ձխաւոր-ներ : Հեծեալները արկածալից ճամբորդութեան մը մէջ են . թշնամիներավ ողոզուած երկիրներ պիտի կտրեն ու անցնին ,

«Մի՛ վախնաք , կ'ըսէ գեւուտին ժամնն՝ միծ զօ-րականներուն , Աստուած է մեր առաջնորդը :» Ու ողջ և առողջ կը հասնին Շինօն , ուր կը գտնուի ար-քայազունը :

Իր համբաւը՝ իրմէն առաջ հոն հասեր էր արգէն . ամենուրեք այդ մանկատի աղջկան խօսքը միտայն կ'ը-նեն , ու աստուածային պատգամաւոր մը կը նկատեն զայն Օրլէանի տղամութեանը համար խրկուոծ : Կա-րսլոս ի . անոր ընդունելութեանը ընդառաջ փութա-ցեր էր ասպետներու խումբի մը խտանուած . բայց ժամնն թէւ տեսած չէր բնաւ զայն , առաջին ակնար-կով ճանչցաւ ու որոշեց խկոյն միւսներէն , և յատա-

ջանալով , « Ազնի՛ւ Տօֆէն (*) , ըստու Աստուած գթաց ձեզ ու ձեր ժողովրդեան վրայ տուէ՛ք ինծի զինեալ պատերազմողներ , պիտի երթամ ու բառնամ Օռլէանի պաշտրումը , ու տանիմ զՁեզ Ռէյմս , որովհետեւ Աս-տուծոյ կամքովը պէտք է որ Անգղիացիք քաշուին մեր երկրէն , և դուք իշխէք թագաւորութեան :»

Սրքայազունը զօրականներու և գիտնականներու միջոցաւ քննել տուաւ անոր կարողութիւնը . իր պա-տասխանները ա՛յն աստիճան պարզ այլ վսեմ իմաս-տութեան մը գրոշմն ունէին որ կրցտն անմիջապէս միովին ապահովութիւն ներջներ և ամեն արգելք խափաննել : Կարոլոս ի . զարդարեց զայն տիպար զրահաւորումով մը , և օժտեց զօրագլուխի մը ան-հըրաժեշտ եղող բոլոր սպառազինութիւններավ : Ժամնն անմիջապէս ձեռք առաւ գործերու զէկը , ու ֆրանսական զօրախումբերու գլուխն անցած կորեց անգղիական զօրաց շարքերը , մինչ անոնք խռովա-հար , անշարժութեան մատնուած էին , և հասաւ Օր-լէան , ուր ընդունուեցաւ իբր գերբնական պատգա-մաւոր մը : Զարմանալի՛ բան . իրմով կարծես բարու-թեան ոգին էր որ կը թափանցէր Փրանսական վաշ-տերուն մէջ . անկարգութիւն , աւարասութիւն , բըն-նութիւն և հայոցութիւն , ամեն ինչ վերցան նոյնժա-ման , ու փոխարէնը՝ անդորրութիւնը տիրեց կատար-եալ :

Ժամնն անմիջապէս յայտարարութիւն մը պատ-րաստեց թշնամիին ուղղուած . «Դո՛ւք , Անգղիա՛ցիներ , որ հաւաքուեր էք Օռլէանի առջև , լոեցէք ահա ինչ

(*) Ֆրանսայի արքայական զահաժառանգները Տօֆէն կը կոչուէին սովորաբար

որ կը կամի ժամնի Աստուածը, յանիրաւի մտած էք ֆրանսայի հողը, և Աստուած իմ միջոցաւ կը հրամացէ ձեզ որ շուտով թաղուք ձեր ամբոցներն ու հեռաւնաք: » Եւ ժամն զբել չգիտնալուն, կտարագրէ խաչանիշ նշանով մը:

Արդիւնքը ահարեկիչ է. Անզիացիք զարհուրած յետո կ'ընկրկին, և Օրլէանի հիւսիւսային կողմը երկու ամբոցներու մէջ կը խտացնեն իրենց բոլոր ոյժերը: Օր մը վերջ ժամն արդէն սկսած է քալել անոնց մէկին դէմ. հոն մօտը խոռոչի մը եղրը կը ցցէ եր շուշանազարդ դրոշը, ու ահա ամրացը գրաւուած: այրեացաւեր ու քարուքանդ եղած է: Յաջորդ օրը յարձակումը կ'ըլլայ նաև միւսին դէմ. վայրագ ելազտան է որ կը պաշտպանէ զայն. բայց ժամն ամվեհեր, ամենէն առաջ իր ձեռքովն իսկ սանդուխը կը հաստատէ պատճէշին վրայ, թշնամիին նետը կը վիրաւորէ զայն, բայց փոյթը չէ. ձեռքովը կը քաշէ ու կը խլէ զայն մարմնէն, դարմանել կուտայ վերքը փութով, ու կը վերագաւանայ իր զօրոնց մօտ ձիչդ այն պահուն, երբ վհատութիւնը սկսած էր տիրել արդէն անոնց մէջ. կ'ոգեւորէ զանոնք, ու կը տիրապետէ ամրոցին: Կլազտալ ի զուր կը ջանայ ճողովրել, ու ճարահատ, կը նետուի Լուսու գետին մէջ ու խեղդամահ կ'ըլլայ:

Այսուհետեւ Օրլէանի այդ կողմերը հատ մ'իսկ Անզիացի կարելի չըլլար գտնել. Թալպօ և Սիւֆ-Փօք սարսափահար ետ կը քաշուին, սազմամթերք, գերի և հիւանդ, ստին ինչ թսզլավ նահանջի ճամբունը վրայ. Օրլէանցիները կ'սովեն հետապնդել զանոնք, բայց ժամն կ'արգելու:

Անզիացիք սարսափի առաջին տպաւորութիւնէն

վերջ կը գտնեն իրենց պազարիւնութիւնը և բարկութեան ու զայրութի նոպակի մը մէջ անէծք կը տեղան գիշազնուհւայն գլխուն. գժոխքէ փախած կախարդ մը կը կոչեն զայն, և կ'երգնուն ողջ ողջ այրելու եթէ կարենային ձեռք ձգել: Թալպօ վերակազմած էր բանակը 6000 նոր օգնական զօրքերու սատարով, ու կորսնցուցած պատիւը վերահստատելու համար ճակատամարտ մը մղելու տենչովը կը տոջորէր: Ուիշմօն և ուրիշ ֆրանսացի զօրապետներ խորհուրդ գումարեցին ժամնի հետ, և խորհրդակցեցան հարկ եղածը գործադրելու մասին:

«Պէտք է որ յարձակինք, ըստ ժամն հաստատապէս, ու հալածենք զանոնք մեր սահմաններէն գուրս:»

Պատգամ մ'էր իր խօսքը. ֆրանսացիք անուարով կը յարձակին ու փասաւոր յաղթանակ մը կը տանին, անյաղթելին թալպօ գերի կ'իյնայ, բայց վեհանձնու վեհմ տնօրինութեամբ մը, տղատ կ'արձակուի առանց փրկանքի. գործք մը որով ֆրանսացիք աւ իրու վախ մը չունենալուն ապացոյցը կուտային:

Ժամանակը եկած էր արքայազունին թագաւոր օծուելուն. ժամն անմիջապէս առաջարկեց զայդ ու ստիպեց. ալգեցիկ էր ինք ամենուն ալ վրայ: Տօֆէն զգաստ վիճակ մը աւատ, թողուց իր թոյլ բնաւութիւնը, ու առանց նկատի առնելու ամեն անպատեհութիւն, քանի մը վաշտերու գլուխը անցած ճամբաց ինկատ կատարելու այդ յանդուգն ուղեւութիւնը՝ թշնամիին գրաւած նահանգներուն մէջէն:

Ժամն գրօշ ի ձեռին կը յառաջանար արքունիթափօրին առջեւէն. իրմէ կը բղխէրին բոլոր անհրաժեշտ հրամանները: Թշնամիի ոչ մէկ երամ չտես-

նուեցաւ, և կամ չներկայացաւ արգիլելու գետի մը անցքը կամ քաղաքի մը մուտքը: Երբ թափօքը թրջի առջեւ հասաւ, բնակիչները վարանեցան քաղաքին դռները բանալու. Ժանն գրել տուաւ և ուղղեց անոնց իր հրովարտակը.

«Տես՝ թք քաղաքացիք և բնակիչք թրյի. յանուն երկնքի թագաւորին կը խնդրեմ որ հանգանդիք ֆրանսայի ազնիւ արքային. և դուք, հաւատարի՛մ ֆրանսացիք, առա՛ջ փոթացէք ձեր կարոլոս թագաւորին:»

Կոչը լուելի եղաւ. թագաւորը փառօք ընդունուեցաւ հոտ՝ ինչպէս նաեւ Շալօնի մէջ: Երբ հասան թէյսի մօտակայքը, քաղաքին Պուրկինեօն պահաւկազօրքը ի տես ժաննի խոյս տուաւ, ու թափօրք հոն եւս իր մուտքը գործեց յաղթական: Այսպէս գեղջկուհին ժանն, իր ծննդավայրը ծգելէն երեք ամիս վերջ յաջողեցաւ կարոլոս է. ի թագաւորական օծումն ընել տալ մեծ փառօք, նոյն այդ քաղաքին մէջ:

Պատերազմիկի մը խրոխտ տարագով կանգնած էր նէ թագաւորին աջ կողմը, իր սիրելի գրօշը ձեռքը, և ուրախութեան արցունք կը թափէր: Արարողութենէն վերջ խօսքը Տիւնուա արքունականին ուղղելով, «Հիմայ, ըսաւ, իթէ մեռնիմ խոկ, ա՛լ հոգս չէ:» Տիւնուա հարցուց թէ մօտալուտ վախճանի մը նախազգացո՞ւմն էր որ կ'ունենար: «Ո՛չ, պատուխանեց, բայց այլեւս իմ պաշտօնա լրացած է:»

Ստուգիւ ժանն շատ անգամներ խնդրեց թագաւորէն որ թողու զինքն այլեւս վերադառնալու իր հայրենի գիւղը, ապրելու իր ծնողացը մօտ և առաջուան պէս արածելու ընտանի խաչինքը. բայց ի զուր, թագաւորը բացարձակապէս հակառակեցաւ, ու կա-

մեցաւ վար գնել զայն իր մօտ: Ժանն ակամայ համակերպեցաւ. արքունիքը ազնուականութեան բարձրացուց զայն, ինչպէս նաեւ իր ծնողքը և երեք եղբայրները, ու մշտնջենապէս զերծ հոչակեց իր ծնընդավայրը ամեն տեսակ հարկերէ: Բարէ, սոկայն, զի կարուլոս այդչա՛փ բարիք միայն կրցաւ ընել այդ չնուշխարհիկ գիւցազնուուհւոյն նկատմամբ:

* * *

Կարուլոս է. շատ չանցած ստուար զօրութիւնով մը թարիզի վրայ քալեց, սոկայն ձախող յարձակումէ մը վերջ ետ քաշուելով վերազարձաւ Շինօն, ուր անձնատուր եղաւ իր զուարճութիւններուն և հաճողքներուն: Քօնրիէնել քաղաքը, որ թագաւորին ապաւինութեան տակ կը գտնուէր, նոյն միջոցին պաշարուած էր Պուրկինեօններու կողմէ: Ժանն անապարեց և հասած օրն իսկ սաստիկ ճակատամարտ մը մղեց թշնամիին դէմ. ի վերջոյ կանոնաւոր նահանջումով մը զօրքը յաջողեցաւ մտցնել քաղաքին մէջ, սոկայն իրեններուն պաշտպանութեանը համար ամենէն վերջը մնացած ըլլալով, երբ հասաւ պարըսպին մօտ, քաղաքին գուռը արգէն փակուած գտաւ իր վրայ, ու խեղճ գիւցազնուուհն ողջ ու անվնաս ինկաւ Պուրկինեօններու ձեռքը: Առոնք եւս տասն հազար ոսկոյ փոխարէն Անգղիացւոց վաճառեցին զայն: Պէտքօր, ցնծութենէն արբշիս, գոհունակութեան ազօթքը երգել տուաւ ամեն կողմ, ու հրամայեց գաւատատանի քաշել աղջիկը. կախարդ մըն է կ'ըսէր, ու կուզէր ողջ ողջ այրել զայն:

Դատավարութիւնը տեղի ունեցաւ Ռուանի մէջ.

Քօշօն անուն չարաբարոյ մէկը, որ Պօվէի հպիսկո-
պոն էր, կը նախագոհէր ատեանին։ Ամբողջ դատը
տասնըվեց նիստ ունեցաւ և տեսեց երեք ամիս։
Դատաւորները թէեւ կանխաւ մտագրած էին մահ-
ուան դատապարտել զայն, կ'ուզէին սակայն ստիպել
խոստովանեցնելու թէ, պատպամը զսր նէ առած էր,
ոչ թէ աստուածային ալ աստանայական էր. բայց
անօգուտ. Ժանն պատասխան չտուաւ :

Դատավարութեան մանրամասնութիւնները կար-
գացած ատեն մարդ կը սարսաւյ տեսնելով դատա-
ւորներու կատաղութիւնը, ու կը սքանչանայ ի լուր
այն յամարագէպ ու հանճարել պատասխաններուն,
զոր գաշտերու այդ մանկատի աղջիկը կուտար ան-
վեհեր։ Երբեմն կը քսա թշնամանքով մը առենքը
միասին կը խօսէին իրեն դէմ, մինչ ինքը սեղմ շեշ-
տով մը,

«Մէկ առ մէկ խօսեցէք, բարե՛կամներ, կ'ըսէր,
եթէ կը հաճիք :

—Երդուընցիր թէ ձշմարտութիւնը պիտի ըսես։

—Զիմ կընար երգնուել, որովհետեւ ձշմարտու-
թիւններ կան զոր ձեզի լսելու պարտաւոր չիմ։

—Զի ջանացի՞ր երբէք աղատիլ։

—Եթէ աղատած ըլլայի, չպիտի կընայիք իրը
հաւատքիս բռնաբարիչը ամբաստանել զիս, քանի
որ դուք չունիք արդէն։

—Կը կարծես թէ չնորհա՞ց արժանացած ես։

—Եթէ չեմ՝ Աստուած այնպէս ընէ, իսկ եթէ
այս՝ կը մաղթեմ որ Աստուած այնպէս պահէ։

—Բսիր թէ տեսիլք տեսած ես. Կարուս ալ տե-
սած է։

—Կընաք մարդ խրկել և հարցնել։

—Ինչո՞ւ համար օծման միջոցին քու դրօշդ
պարզած էիր խորանին մօտ։

—Վիշտերու մէջ ներկայ էր ան, պէտք էր որ
պատիւի և փառաց ալ մասնակից ըլլար։

—Բու թագաւորդ աղէկ ըրաւ Պուրկինենի գե-
րապայծառը մեռցնելով։

—Միծ աղէտ մ'է այդ Ֆրանսալի համար, բայց
ի՞նչ պատճառաւ որ ալ տեղի ունեցած ըլլար այդ,
գարձեալ Աստուած է որ խրկեց գիս օգնելու Ֆրան-
սալի թագաւորին՝ ընդդէմ Անգղիացւոց։

—Աստուած միթէ կ'ատէ՞ Անգղիացիները,

—Զիմ գիտեր. գիտցածո սա է թէ աննոք ամենն
ալ պիտի վտարուին Ֆրանսայէն, ու մնացողներն ալ
պիտի կորսուին։»

Քօշօն և իր ընկերները, կամ լու ևս մեղսուկից-
ները թէեւ չկրցան զայն մտհապարտ հաչակելու բա-
ւականաչափ պատճառաներ գտնել, սակայն իրենց
խոստման համեմատ Անգղիացւոց կամքը գոհացնելու
համար, զայն ողջակէզ ընելու տարապայման անգութ
պատրսուակ մը հնարեցին. այսպէս բանտին մէջ բա-
ցարձակ արդելք գրին այր մարգու զգեստներ հագ-
նելու, և մերկացուցին զայն՝ միանգամայն մահիճին
մօտ լոկ այր մարգու զգեստներ գնել տալով. արդ
յաջորդ կիրակին որ Ամենասուրբ Երրորդութեան
տօնն էր, Ժանն ելնել ուզելով, հարկադրուած հա-
գաւ այդ զգեստները. Քօշօն և միւս դատաւորները
որ այդ բանին կսպասէին արդէն, իսկոյն իրը կա-
խարդ ու հերետիկոս, գատապարտեցին զայն ողջ
ողջ այրուելու։ Վձիռը ըրոշուեցաւ գործագրել նոյն
օրն իսկ. Քօշօն չզլացաւ խոստովանահայր մը զրկե-
լու իրեն. բարի քահանան որ արժանաւոր անձ մ'էր,

տրցունքոտ աչքերով յայտնեց խեղճ աղջկան՝ աղետալի վճիռը :

Տարաբաղդ կոյսը չկրցաւ զսպել իր լացը, ու հեկեկալով. «Աստուած, մե՛ծ Դատաւորը ըստւ, թողընէ՛ դատաստանը ինծի եղած բոլոր այս անգթութեանց և անարդարութեանց: Օհ..., իր օգնութիւնովը կը յուսամ որ այսօր արքայութեան մէջ պիտի ըլլամ:»

Անօրինակ տնօրէնութիւնով մը ժամն Տարքի թոյլ կը արուեի Ս. Հաղորդութեան վերջին չնորհքը. այդ միտի լիձովն էր որ կը պապակէր ան արգէն:

Մայիսի 30ին հեծցուցին զայն մահապարտի սայւակին մէջ. խոստովանահայրը և ուրիշ քահանայ մը, որ քանից արդարութիւն պահանջած էին դատավարութեան միջոցին, նատած էին իր մօտ. Անգղիացիներ, տապարներով, ոուրեբով ու տէգերով գինուած կը յառաջանային շուրջանակի բոլորած :

Ու մինչ անիւը իր չարագնաց ընթացքով կը թաւալէր դէպի մահուան պողոտան, անմեղունակ կոյսը անտրտունչ, կ'ազօթէր ա՛յնքան ջերմեռանդ, որ ականատեսները ցաւագնած յարտասուս կը փղձէին. իր հետեօրդներէն շատեր չկրցան շարունակել ճամբան ու ետ վերագարձոն վշտահար :

Երբ հասաւ ժամն տանջանաց վայրը, «Ա՛խ, Ռոււա՛ն, Ռոււա՛ն, գոչեց, ես հո՞ս մեռնելու էի.» ու ծնրադիր ոկսաւ աղօթել ու հայցել Տիրուհւոյն և ամենայն որբոց պաշտպանութիւնը: Ա՛լ սիրտերը չդիմացան. ի տես այդ սրբատան աղջկան որ նահատակութեան կառափնատին վրայ հանուած էր զոհուելու պատրաստ, արցունքներն և հեծեծանքները ծայր տուին ամեն կողմէ. տեսարանը որտակեղէք էր: Նու-

յօնի եպիսկոպոսը և ուրիշ ֆրանոացի կղերականներ որ ժամնի մօտն էին, յուզումնալից ետ քաշուեցան:

Արգէն խաչին վրայ գամուելու պատրաստ, ժամն խաչ մը ինգրեց միսիթարուելու համար: Անգղիացի մը երկու գաւաղաններ իրարու միացնելով խաչ մը ձեւացուց, ու ներկայացուց. ժամն համբուրեց զայն սրտագին, բայց փափաքեցաւ եկեղեցիէն հատ մը ունենալ իր մօտ, և ստանալով սեղմեց ուժգնապէս իր սրտին վրայ և սուզուեցաւ իր աղօթքի վերացման մէջ:

Անգղիացի զօրականներ սակայն, որոնց սրտին համար գութի զգացումը անբնական և օտար բան մէր կարծես, սկսած էին սրտնեղիլ արարութեանց երկարաձգման համար, «Լրացուր պաշտօնդ» գոչեցին քահանային, ու հրաման տուին դահճին գործագրութիւնը լրացնելու :

Կրկնութեան հարկ չմնաց. վայրագ վիճուորները դահճին աւաշջնորդութեամբ հրմշոկելով տարին անմեղ կալանաւորը գէպ ի տանջանաց վայրը, մինչ նէ խաչը կուրծքին, կը շարունակէր աղօթկու անդադար:

Գաճեղէն բարձրագիր զանգուածի մը վրայ կը բարձրանալը հակայ փայտակոյտը. անոր գագաթը հանեցին ժաննը, կապեցին մէջտեղէն երկարող ցիցին, որու ծայրը գամուած էր տախտակ մը՝ «Հերետիկոս, կախարդ, խարերաց», վերտասութեամբ: Խոստովանահայրը, հայր Մարթէն իր մօտն էր դեռ, երբ կրակը տուին փայտակոյտին. «Տէ՛ր Յիսուս, գոչեց ժանն, և փութով վար իշեցնել տալով քահանան, դիմացո կանգնէ, ըստաւ, և բարձրացուր խաչը աչքերուս առջեւ, մինչեւ ցմահ չըրկուիմ անոր տեսու-

թենէն, սրտապհուէ, զիս մխիթարական խօսքերով:»
Ապա անդրագառնալով իր սակաւատեւ անցեաւ-
լին, կրկնեց թէ Աստուծոյ պատգամն էր որ ընդու-
նած էր ինք և գործադրած, թէ խարուսոծ չէր, և
Աստուծոյ կամքովն էր որ համարձակած էր գործե-
լու: Այսպէս բաղոքելով իր մատին եղած անարդա-
րութեան գէմ, ու պաշտպանելով իր անմեղութիւնը,
ազօթն ի ըլթունս աւանդեց իր ամբիծ հոգին, վեր-
ջին անգամ մ'ալ լուիլի կերպով արտասանելով Տէր
Յիսուսի անունը:

Զեղաւ մէկը որ չիլսր, չեղաւ սիրտ մը որ չի
փոձէր. բացաւաբար քանի մը Անդղիացին էր մխայն
կը շարունակէին խնդրալ, բայց Ֆրանսացիք դաժան
և անարդար կը գտնէին այս տեսակ դատապարտու-
թիւն մը: «Մարտիրոսուէի մ'է, կը մրմնջէին, ա՛հ,
կորսուած ենք, կաւելցնէին. սուրբ մըն է որ կ'այ-
րեն. իցիւ թէ մեր հոգին առ կարենար ըլլալ հոն
ուր կը հանգչի հիմոյ իրենը:»

Խղճահար էին ամենքն ալ, և այս տեսակ խօս-
քեր կ'ընէին: Ուրիշ մը երկւեղով կը խոստովանէր
թէ տեսած էր Յիսուսի անունը բոցեղէն գրերով,
հրավառ փոյտակոյտին վերեւ: Բայց աւելի հրաշա-
մին ականատեսով եղաւ նոյն իսկ անդղիացի մը՝ որ
ուխտած էր ու կը մօտենար իր ձեռքով իսկ խոռք մը
փայտ աւելցնելու այրող գէղին վրայ, և մինչ ժանն
խեղդուկ ձայնով մը իր վերջին շունչը կ'աւանդէր Տէր
Յիսուս աղաղակելով, սա զգայազիրկ կ'իյնար նուա-
զած: Ժամանակ մը վերջը երբ սթափեցաւ, գնաց
գտաւ իր խոստովանայրը, զգջում յայտնեց այդ-
քան ատած ըլլալուն համար այդ անմեղ կոյսը որ
ձշմարիտ սուրբ մըն էր, ու խոստովանեցաւ թէ տե-

սած էր անոր հոգին որ սպիտակ աղաւնիի մը կեր-
պարանքով երկինք կը սուրբ: Դահիճն ալ իր կար-
գին սաստիկ խղճահարեր էր, ու զղչացող մեղաւորի
մը ձշմարիտ եռանդով գնաց խոստովանեցաւ ու թո-
ղութիւն խնդրեց:

Բայց ի՞նչ եղաւ սոյն գատապարտութեան հեղի-
նակներուն վիճակը. — Վիճացում. բոլոր գատապար-
ներն ալ շատ չանցած կորսուեցան թշուառացած: Քօ-
չօն, որ Պօլէի եպիսկոպոսն էր և այսպիսի վատ ա-
րարքով մը Ծուանի արքեպիսկոպոսութեան բարձ-
րանալ կը յուսուր, կորսոնցուց իր ունեցած աստիճանն
ալ, ու մեռաւ տաժանելի կարօտութեան մէջ: Իսկ
կարուլս է, այդ թերիւաբարոյ և ապերախտ թա-
գաւորը, որ կոյսին չնորհիւ Յաղթական տիտղոսին
արժանացաւ, ու փողթ չըրաւ ազատելու զայն իր
գահիճներուն ձեռքէն, նա եւս պատժուեցաւ իր
չար զաւակովը, որմէ թունաւորուելու վախէն,
ի վերջոյ մերժեց ընդունիլ ամեն սնունդ, և այդպէ-
սով մեռաւ սովամահ:


* * *

Հիմայ Տօմրէմի գեղեցկագիր ձորակի մը խորը,
իր ցանկալի յիշատակ կը պահէ այն տնակը, որու
մէջ այդ անսուգիւտ կոյսը բացաւ իր աչքերը, այդ
կոյսը՝ որ թողուց հողուական ցուպը, փոխան պատե-
րազմիկի սուրբն, լքեց իր խաշինքը, տաշնորդե-
լու համար Հայրենեաց յաւսահատ զաւակներու խում-
բերը դէպ ի յաղթանակ: Հիմայ իր տնակը զարդար-
ուած ու նորոգուած իր նախակին շինականի երե-
սած

Հոյթին մէջ, իր անունը կը պանծացնէ. հոն, առա-
ջակողմի հրապարակը ճոխ կաղամախիներ կը բարձ-
րանան գեղուղէշ, ու մէջտեղը կանգնող վիսմաշէն
մեծ աղբիւրին ճակատը կը տեսնուի դիւցազնուհւոյն
կիսանդրին, սոյն պարզ արձանագրութեամբ.

ԺԱՆՆ ՏԱՐՔԻ ՅԻՇԱՏԱԿԻՆ

1412—1431



10772

2013

Գիր 1 դրւ.

